

quod Beatus Ambrosius dedit Beato Augustino pro matre sua dicens. Cum Romanum venio, Sabbatho ieuno: cū Mediolani sum, nō ieuno: sic & tu ad quancunq; forte Ecclesiā Veneris, eius morem serua: si cūi q; non vis esse scandalum nec quenq; tibi. Ita, habetur in. c. Illa. 12. distinct. & glosa tibi ponit de his sequentes versus. Si fueris Romæ Romano viuito more. Et si sis alibi, viuito sicut ibi. Ex his concludo q; Indi hic viuentes inter Hispanos, Sabbatho carnes non possunt comedere: sic etiam determinauit Dominus Archiepiscopus, vnde iussit quemdam qui hoc scripserat, se retractare. Nempe Indi hic habitantes Sabbatho comedunt om̄sa sicut & Hispani, quæ non comederent, si habitarent inter eos quibus Sabbatho talia comedere nō licet, sicut in Francia. Quod vero dicas quod ex voto Hispani non comedunt carnes Sabbatho, hoc nusquam legi, sed legi quod ex præcepto Sabbatho nō comedunt carnes. Immo esto quod consuetudo eorum esset fundata in voto è principio, nunc tamen habet vim consuetudinis ad peccatum mortale obligantis, sicut dictum est. Et id circa secundum illa quæ dixit Beatus Am-